



Concello da Estrada
Escolle o servizo/departamento
Escolle a unidade
Escolle a sección

Praza da Constitución, 1
36680 A Estrada, Pontevedra
Tfno.: 986 570 165
Fax: 986 570 836
aestrada.gal

NOTA DE PRENSA

Sucédense as propostas nas mesas de participación da Edusi

Dende as 9:30 horas da mañá e ata as 20:00 horas tarde de hoxe, 5 de novembro, desenvólvense no MOME da Estrada as mesas de participación pública dentro do marco da estratexia Edusi, nas que se suceden as propostas achegadas por diversas asociacións e veciños da localidade.

A Edusi (Estratexia de Desenvolvemento Urbano Sostible e Integrado) enmarcase dentro de “A Estrada Social Sostible 2020 (AESS2020) Proxecto cofinanciado nun 80 por cento mediante o Programa Operativo FEDER de crecemento sustentable 2014-2020”.

Coa presentación da primeira das mesas, o alcalde da Estrada, José López Campos, apuntou que o concello foi elixido como exemplo de boas prácticas en torno á estratexia, polo que unha representante local acudirá a unha reunión en Madrid o vindeiro 8 de novembro, onde lles explicará aos demais participantes a maneira na que se está a desenvolver o plan Edusi na Estrada.

Deste xeito e despois dunha breve presentación, deu comezo a mesa de participación para a atención a colectivos desfavorecidos e a igualdade de oportunidades, a máis numerosa de cantas estaban previstas e na que se propuxeron iniciativas como a creación espazos de asesoramento, amparo e asistencia a inmigrantes, plans de mobilidade orientados ao rural, estratexias de amparo para mulleres en situación de vulnerabilidade, preparar aos integrantes de colectivos desfavorecidos en competencias clave a través de cursos orientados á inserción laboral, entre outras.

Tamén se propuxeron a creación dun estudio orientado ás persoas maiores de 65 anos, que permita saber cales son as necesidades e demandas deste colectivo, ou a posta en marcha de medidas que fagan fronte aos problemas dos máis novos, como problemas de convivencia, ciberacoso ou adiccións.

Debateuse sobre a necesidade de que os maiores teñan unha interacción coa xuventude, de crear un protocolo de actuación no caso das agresións sexuais, de educar en canto a identidade LGTBI e diversidade sexual, da necesidade de crear unha casa para a xuventude e outros moitos temas. Non obstante, ante a disparidade e a cantidade de ideas aportadas, a concelleira de Asuntos Sociais, Amalia Goldar, lembrou que esta estratexia trata de beneficiar ao maior número de persoas posible, polo que os proxectos dirixidos a un colectivo moi específico non teñen tanta cabida.

Goldar explicou os proxectos teñen que ser realistas, os cales se podan manter; xa que os proxectos vinculados á Edusi teñen que ter unha garantía de funcionamento de 5 anos despois da súa posta en marcha e para finalizar apuntou que as propostas que inclúen exercicio físico ou actividades son factibles e realizan unha labor social paralela ao congrega xente nun mesmo espazo no que interactuar.

Na segunda mesa, para a revitalización socioeconómica do rural, proliferaron as ideas en torno a cursos e formación, que tamén tiveron protagonismo na primeira das mesas, pero que desta volta se fixo recorrente. Propúxose a creación de cursos de formación orientados á organización e capacitación no rural, para crear peóns profesionais en materia do agro, de transformación de



Concello da Estrada
Escolle o servizo/departamento
Escolle a unidade
Escolle a sección

Praza da Constitución, 1
36680 A Estrada, Pontevedra
Tfno.: 986 570 165
Fax: 986 570 836
aestrada.gal

materias primas en produtos elaborados ou como mero punto de encontro para os habitantes das parroquias.

Denunciouse a falta de autoxestión e de estrutura entre os máis novos e púxose a mira no problema da dispersión da poboación e na necesidade de formar unha rede de dinamizadores sociais coa que xuntar a eses xóvenes.

A derradeira proposta desta mesa expuña a idea de construír unha planta de procesado común, a modo de cooperativa, na que os pequenos produtores puidesen elaborar os seus produtos baixo unha mesma marca, suxeitos aos mesmos estándares de calidade como un proxecto que perviva no tempo.

A Estrada, 5 de novembro de 2018